

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 436873 22 St
Tuzla, 08.05.2023.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „WEM-DARS COMPANY“ d.o.o za promet i usluge Tuzla, ul.Kojšino br. 146, nakon provedenog prethodnog stečajnog postupka donio je slijedeće:

R J E Š E N J E

OTVARA SE stečajni postupak nad imovinom stečajnog dužnika „WEM-DARS COMPANY“ d.o.o za promet i usluge Tuzla, ul.Kojšino br. 146, MBS: 32-01-0233-08, JIB: 4209916400005, račun broj: 3060460000804271 otvoren kod Addiko Bank d.d Sarajevo.

Za stečajnog upravnika imenuje se Senad Uzunić iz Tuzle.

ZAKLJUČUJE SE stečajni postupak nad imovinom dužnika „WEM-DARS COMPANY“ d.o.o za promet i usluge Tuzla, ul.Kojšino br. 146, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje o zaključenju stečajnog postupka će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 436873 22 St od 27.01.2022.godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva „WEM-DARS COMPANY“ d.o.o za promet i usluge Tuzla, ul.Kojšino br. 146, za privremenog stečajnog upravnika imenovan je Senad Uzunić iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je Izvještaj o provedenom prethodnom postupku ovom sudu dana 27.02.2023.godine. Iz izvještaja privremenog stečajnog upravnika proizilazi da društvo je poslovalo do 2011.godine kada je istom blokirao račun kod poslovne banke. Društvo nema poslovnih jedinica, a primarna djelatnost društva bila je trgovina mješovitom robom. Na dan sačinjavanja Izvještaja društvo nije imalo nijednog zaposlenika, niti raspolaže bilo kakvom imovinom. Društvo ima obaveze prema PU FBiH, KPU Tuzla po osnovu poreza i doprinosa za isplatu plata, kao i moguće neplaćene obaveze prema UIO BiH RC Tuzla i dobavljačima. Stečajni dužnik nema mogućnost nastavka poslovanja ni djelimično, društvo je nelikvidno posljednjih deset godina, ukupne obaveze za neplaćene poreze i doprinose iznose 86.000,00 KM, a privremeni stečajni upravnik nije poduzimao posebne mjere obezbjeđenja imovine stečajnog dužnika jer nema imovina koja bi činila stečajnu masu.

Dakle, privremeni stečajni upravnik nalazi da podnosilac prijedloga za otvaranje stečajnog postupka nije podnio prijedlog u roku od 60 dana od dana nastupanja platežne nesposobnosti, da postoji stečajni razlog za otvaranje stečajnog postupka predviđen članom 6. stav 2. i članom 102. Zakona o stečaju.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 14.03.2023. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 22/23 dana 29.03.2023.godine, oglasnoj tabli suda dana 15.03.2023.godine i na web stranici suda, kojim se objavama javni poziv smatra dostavljenim.

Obzirom da u ostavljenom roku koji je propisan zakonom predlagač, povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

STEČAJNI SUDIJA

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.